

## Syndi, 5j.



### suechet äs nöiies Daheime mit Freigang

Liebi Tierfründe

Lueget einisch, bin ig nit e ganz e Härzigi? Ä waschächti Tigerin! Ig bi d'Syndi u uf dr Suechi nach eme nöiie Daheime. Warum? Mini Familie muess usm Huus usse u zügle u het uf'd Schnäu chei Wohnig gfunde, wo ig wiedr nach dusse chönnt. U usse muess ig, ohni Freigang, das geit gar nid für mi. Itze suechet sy für mi es nöiis passends Daheime. Drum!

Ig bi 5jährig, kaschtriert, gimpft, chippet, gsung, schtuberein, guet erzoge, lieb u sähr aahänglech u mönschebzoge. Was ig aues so mag, fragsch Du? Oh, ig mag Schmüsele, mit Dir rede (ig gib Dir ou Antwort), i Dim Bettli pfluuse u natüerlech min Freigang, am beschte durchs Törli (hie chlopf ig as Fänschterli u denn lasset sy mi inne) odr Du muesch Türliöffner schpiue (inne-usse-inne- ..., abr ig geh nid soo wiit, nur bi di Nachbare luege u bi di Nachbare vo die Nachbare u ... u denn wiedr zrugg). U ig bi nöigiirig, bi Bsuech hou ig mir scho mini Schtriicheleiheite ab. Was ig nid so mag? Auso, Hung u Chatz im gliiche Huuhaut, geit nid, chliini Ching (sy mir suschpekt, grossi so ab 10i cheis Problem, abr die chliine, ui nei) u Ummetrage wärde. Wie's mit Schpiue uussieht? Ja weisch, ig chenne das nid so, abr we Du mir das biibringsch, ig cha's uf au Fäu versueche, villiicht macht das mega Schpass, mit Dir zäme, wer weiss? Ig probier's, verschproche!

Ig suechi liebi, chatzeerfahreni Mönsche, die wo zu mir luege u bi dene ig d'Nummr eis sy dörfti. Ou gärn e Familie mit grösseri Ching. Ig houe mir gärn mini Schmuseiieheite bi Dir ab u bi gärn überau derbii, abr zwischedüre bruuch ig ou mini Ziit für min Freigang. Isch bi Öich oft öpper dihei? Wohnet Dir ir verchersame Umgäbig u heit Dir villiicht sogar en Garte? MIN Garte? U es Törli nach dusse? U chatzefründlechi Nachbare? Ja? Mega, denn chönnt das mis nöiie Daheime sy, denn müesset mir üs unbedingt lehre chenne. Ig wohne im Moment no z'Horgen/ZH, zügle aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich mir agno u suechet für mi das nöiie Plätzli. Bsuechsch Du mi einisch? Denn chönnt ig teschte, wie guet Du schtriichele chasch u es bitzeli mit Dir rade.

Dini Syndi



**Katze sucht Mensch - Mensch sucht Katze**

Sonja Ball

Tel.Nr. 079 333 45 62

[kontakt@katze-sucht-mensch.ch](mailto:kontakt@katze-sucht-mensch.ch)